



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De Conditione apud Baptismum in necessitate 64

urn:nbn:de:hbz:466:1-34315

Accusatio de conditione apud Baptismum in necessitate.

C A P . L X I V .

VITERIUS reprehendunt Aduersarij, quod in Libro Reformationis nouus eorum abusus reicitur, in Conditionali illa locutione, quam usurpat apud Baptismum parvorum, qui in necessitate baptisati sunt, cum dicunt, Si non es baptizatus, ego te baptizo, &c.

Responso.

QVI fit, ut hoc loco non etiam antiquos Patres & Concilia citent? Sed quicquid semel in abusum apud eos peruenit, quamuis ineptū & absurdum sit, id propugnat, atque omnino defendere conantur: Deo autem gloriam dare nolunt, vt vel vnum aliquem errorem faterentur. Cæterum fideles probè nouerunt, Christum Dominum non iussisse, simpliciter agere, & baptizare eos de quibus constat, quod baptizati non sint: non autem mandasse, vt propter dubitationem nostram verba eius dubiè & ambiguè proponamus. Ad eundem quoque modum antiqua Concilia & S. Patres ordinarunt, atque obseruarunt, Can. pl. 4. de Consec. introd. vt testatur Canon. 39. Concilij Africani, quem etiam Gratianus. Dist. 4. de Consec. introduxit. In quo Canone præcipitur, vt infantes sine omni dubitatione baptizentur, quoties de eorum baptismo non inueniuntur certissimi testes. Idem iubet & Leo Pontifex 1. Epistola 35. & 90. Vbi igitur certi testes non sunt, quare homines non directè neque minimè dubiis verbis baptizarentur? Vbi verò tales habentur, quare reperetur Baptismus?

Ultima Pars.

Qua lingua debeat Ministrari Baptismus.

C A P . L X V .

POStREMO accusant Librum, propterea quod ordinavit, vt vernacula lingua usurpetur, item vt Baptismus diebus dominicis cum tota Ecclesia est congregata, ministretur. Dicunt ista vniuersaliter, aut saltem cum præscientia præpositorum instituenda & ordinanda fuisset.

Responso.

ADeo nihil valet apud homines istos principatus Christi & Spiritus S. qui tam serio mandauit, vt omnia in Ecclesia sua intelligibiliter, summaque cū grauitate & Religione peragantur, quò præsentes omnes in fide Christi ædificari queant, vt hoc mandatum Dei velint hominibus remitti, donec id vel omnibus, vel saltem huic magistratu placeat,